

Fondacija Humanost u akciji u BiH
ul. Skenderija 33, Sarajevo, BiH
ID broj: 420 168 765 0000
koju zastupa dr. Jasmin Hasić
izvršni direktor Fondacije HIA BiH
u daljem tekstu: Koordinator projekta

Univerzitet u Sarajevu - Fakultet političkih
nauka, ul. Skenderija 72, Sarajevo
ID broj: 4200494560139
koji zastupa prof. dr. Sead Turčalo
dekan Fakulteta
u daljem tekstu: Izdavač publikacije

u daljem tekstu zajedno: **Potpisnici Memoranduma**

dana 03.11.2023. godine, u Sarajevu, zaključili su

MEMORANDUM O SARADNJI
u okviru realizacije projekta «12 Lessons Book about NATO and Bosnia and Herzegovina»

1. Predmet Memoranduma

Predmet ovog Memoranduma je uspostavljanje i realizacija saradnje između Potpisnika Memoranduma, radi ostvarivanja ciljeva projekata «12 Lessons Book about NATO and Bosnia and Herzegovina», kojeg provodi Koordinator projekta, a koji je finansijski podržan od strane Ambasade Češke republike u Bosni i Hercegovini i MVP ČR sa sjedištem u Pragu.

2. Ciljevi, svrha i aktivnosti saradnje

Navedeni projekat, između ostalog, predviđa publikovanje recenzirane knjige (uređenog svezka koji se sastoji od koautorski pisanih radova mladih istraživača iz BiH) na temu NATO saradnje i potencijalne integracije BiH kroz prizmu društvenih grupa koji ne pripadaju vodećim-elitnim političkim narativima/tokovima. Tačan naslov publikacije, obim i broj poglavlja-stranica će biti precizirani naknadno, nakon što bude urađen prelom i finalne pripreme za publikovanje i štampu.

Izdavač publikacije se obavezuje da će navedenu knjigu publikovati, u skladu sa svim važećim propisima i regulativama koje vrijede i za druge publikacije u okviru postojeće izdavačke djelatnosti FPN-a, dok se Koordinator projekta obavezuje da će preuzeti troškove pripreme i štampanja navedene publikacije, a prema ukupnom iznosu sredstava odobrenom u projektnom budžetu. Koordinator projekta preuzima obavezu isplaćivanja navedenog i unaprijed odobrenog iznosa, prema projektnom budžetu, direktno na račun štamparije, u roku od 5 dana od dana zaprimanja fakture, a u skladu sa ovim Memorandumom, dok se Izdavač publikacije obavezuje platiti CIP i ISBN za publikaciju.

3. Koordinacija i implementacija aktivnosti

Potpisnici Memoranduma se obavezuju na poštivanje važećih pravnih akata, a posebno internih akata koji regulišu aktivnosti oko izdavanja publikacija i izbora štamparije, s jedne strane, te projektne obaveze i budžet na osnovu ugovora koji je potpisan sa Ambasadom Češke republike u Bosni i Hercegovini, s druge strane. Predviđeni krajnji rok realizacije svih aktivnosti Potpisnika Memoranduma na pripremi publikacije i slanju finalne verzije na štampu je 15.11.2023.

4. Završne i prelazne odredbe

Potpisnici Memoranduma će se dogovarati o daljim pravnim procedurama i formama saradnje putem razmjene e-mailova ovlaštenih lica sa službenih domena obje organizacije. Memorandum se zaključuje u duhu partnerstva, međusobnog poverenja i dobre poslovne saradnje. Memorandum stupa na snagu danom potpisivanja Potpisnika Memoranduma, a zaključuje se do kraja realizacije projekta. Isti može se raskinuti slanjem pisane obavijesti o raskidu 30 dana unaprijed. Ovaj Memorandum je sačinjen u dva primjerka, po jedan za svakog Potpisnika Memoranduma.

Fondacija Humanost u akciji u BiH
dr. Jasmin Hasić, izvršni direktor



UNSA - Fakultet političkih nauka
prof. dr. Sead Turčalo, dekan

